

說 菩 薩 句 義



「大智度論」集粹之四十

智
銘

須菩提白佛言：「世尊！云何爲菩薩句義？」

佛告須菩提：「無句義，是菩薩句義。何以故？阿耨多羅三藐三菩提中無有義處，亦無我，以是故無句義，是菩薩句義。……譬如幻無有實義，如焰、如響、如影、如佛所化無有實義；菩薩句義無所有，亦如是。譬如：如法性、法相、法位、實際，無有義；菩薩句義無所有，亦如是。……菩薩摩訶薩行般若波羅蜜時，菩薩句義無所有，亦如是。……如不生不滅義無處所，菩薩摩訶薩行般若波羅蜜時，菩薩句義無所有，亦如是。如不作、不出、不得、不垢、不淨無處所；菩薩句義無所有，亦是。」

須菩提白佛：「何法不生不滅故無處所？何法不作、不出、不得、不垢、不淨故無處所？」

佛告須菩提：「色不生不滅故無處所，受、想、行、識不生不滅故無處所，乃至不垢不淨亦如是。入、界不生不滅故無處所，乃至不垢不淨亦如是。……菩薩摩訶薩行般若波羅蜜時，菩薩句義無所有，亦如是。如四念處淨義畢竟不可得；菩薩摩訶薩行般若波羅蜜時，菩薩句義無所有，亦如是。……何以故？是阿耨多羅三藐三菩提，菩薩、菩薩義，是一切法，皆不合、不散，無色、無形、無對，一相所謂無相。如是，菩薩摩訶薩一切法無礙中，應當學，亦應當知。」

慧命須菩提種種因緣破「菩薩」字，佛不破，僅言：「菩薩」字從本以來畢竟空，但五象中數假名菩薩，而衆生以假名爲實；佛言假名無實，但從諸法數和合爲名。諸佛法無量無邊，不可思議，須菩提因「菩薩」字空，說般若波羅蜜相：今欲聞佛說菩薩字義，因是說般若波羅蜜。

佛告須菩提：無義，是菩薩句義；阿耨多羅三藐三菩提無處所，亦無我、無名。於是中無依止處，即是法空；無我名，無得道者，佛示須菩提，若知無我、無我所，得阿羅漢者；菩薩亦如是，於阿耨多羅三藐三菩提中，無我、無我所。行諸法虛空中，無依止著處，以是故，言無菩薩句義。

天竺語法，象字和合成語，象語和合成句。如「善」爲一字，「提」爲一字，是二不合則無語，若和合則爲「菩提」，譯爲「無上智慧」。「薩埵」或名象生，或是大心。爲無上智慧故，出大心，名爲「菩提薩埵」。願欲令象生行無上道，是名「菩提薩埵」。「菩提」一語，「薩埵」一語，二語和合故名爲義。若說名字、語句，皆同一事無所在。今須菩提問：以何定相法爲菩薩句義。佛示以：菩薩義，但可耳聞，虛誑無實，以是故，菩薩不應自高。如、法性、法相、實際等句，無有定義。如幻人無五象乃至諸佛法，如佛五象乃至一切法。如有爲法中無無爲法，如無爲法中無有爲法，無爲法不生不滅等，諸法中無不生不滅相，亦無異相。如三十七品無淨相；何以故？有人著是三十七品法，即是結使。如我乃至知者、見者，淨相不可得。

種種求覓我相不可得，是名我淨，第一義中無淨無不淨，我乃至知者，見者亦如是，以無我空智慧，求我相不可得，是時，非有我非無我。菩薩句義亦如是，入是般若波羅蜜智慧光中則不現，因是譬喻教諸菩薩，當學一切法不取相，無所得故。

須菩提白佛言：「世尊！何等是一切法？云何一切法中無礙相，應學、應知？」

佛告須菩提：「一切法者，善法、不善法；記法、無記法；世間法、出世間法；有漏法、無漏法；有爲法、無爲法；共法、不共法。是名爲一切法。菩薩摩訶薩，是一切法無礙相中應學、應知。」

須菩提白佛：「世尊：何等名世間善法？不善法？」

佛告須菩提：「世間善法者，孝順父母，供養沙門、婆羅門，敬事尊長。布施福處，持戒福處，修定福處，勸導福事，方便生福德，世間十善道。九相：脹相，血相，壞相，膿爛相，青相，噉相，散相，骨相，燒相；四禪，四無量心，四無色定；念佛，念法，念僧，念戒，念捨，念天，念善，念安般，念身，念死；是名世間善法。不善法者：奪地命，不與取，邪淫，妄語，兩舌，惡口，非時語，貪欲，惱害，邪見；是十不善道等，是名不善

法。若善法，若不善法，是名記法。無記身業、口業、意業，無記四大，無記五象十二入、十八界，無記報，是名無記法。」

須菩提白佛言：「何等名世間法？出世間？」

佛告須菩提：「世間法者，五象、十二入、十八界、十善道、四禪，四無量心，四無色定，是名世間法。四念處、四正勤、四如意足、五根、五力、七覺分、八聖道分；空解脫門、無相解脫門、無作解脫門；三無漏根：未知欲知根、知根、知已根；三三昧：有覺有觀三昧、無覺有觀三昧、無覺無觀三昧；明、解脫、念、慧、正憶；八背捨，何等八？內有色相外觀色，是初背捨；內無色相外觀色，是二背捨；淨背捨；身作證，是三背捨；過一切色相故，滅有對相故，一切異相不念故，入無邊虛空處，是四背捨；過一切無邊虛空處，入一切無邊識處，是五背捨；過一切無邊識處，入無所有處，是六背捨；過一切無所有處，入非有想非無想處，是七背捨；過一切非有想非無想處，入滅受想定，是八背捨。九次第定，何等九？離欲離惡不善法，有覺有觀，離生喜樂入初禪；滅諸覺觀內清淨故一心，無覺無觀，定生喜樂入二禪；離喜故，行捨，受身樂，聖人能說能捨，念行樂，入第三禪；斷喜樂故，先滅憂苦故，不苦不樂捨，念淨，入第四禪；過一切色相故，滅有對相故，一切異相不念故，入無邊虛空處，過一切無邊虛空處，入一切無邊識處，過一切無邊識處，入無所有處；過一切無所有處，入非有想非無想處；過一切非有想非無想處，入滅受想定，復有出世間法，內空乃至無法有法空，佛十力、四無所畏、四無礙智、十八不共法，一切智，是名出世間法。」

須菩提白佛言：「何等爲有漏法？何等爲無漏法？何等爲有爲法？何等爲無爲法？何等爲共法？何等名不共法？」

佛告須菩提：「五受象、十二入、十八界，六種、六觸、六受，四禪乃至四無色定，是名有漏法。四念處乃至十八不共法，及一切智，是名無漏法。若法生、住、滅；欲界、色界、無色界、五象，乃至意觸因緣生受；四念處，乃至十八不共法，及一切智，是名有爲法。不生、不住、不滅，若染盡、瞋盡、癡盡，如不異、法相、法性、法住、實際，是名無爲法。四禪、四無量

心、四無色定，如是等名不共法。四念處乃至十八不共法，是名不共法。菩薩摩訶薩於是自相空法中，不應著，不動故。菩薩亦應知一切法不二相，不動故。是名菩薩義。」

先知世間相，後則能知出世間相。世間善法者，知有罪、有福果報，有今世、後世、有世間、有涅槃，有佛等諸聖賢，今世、後世，及諸法實相證。

所謂孝順父母等，乃至十念；如法得物。供養供給沙門、婆羅門者，沙門，名爲出家求道人；婆羅門，名爲在家學問人。是二種人於世間難爲能爲，利益衆生故，應當供養。尊長者，叔伯、弟兄等，恭敬供養，是一切修家法。布施、持戒、修定、勸導，均爲世間善法，能生福事。

方便生福德者，如懺悔、隨喜，請佛久住不涅槃、轉法輪；如雖行空不著空，過修行諸善，如是等方便生諸福德。

善念者，思惟分別善業因緣，制伏其心。涅槃是真善法，常繫心念涅槃，是善念。身念，即是身念處。與善法相違，是名不善法。無記法者，所謂威儀心，工巧心，變化心，及是起身業、口業；除善、不善五象，餘五象及虛空、非數緣滅等。

世間法者，五象或善、或不善，或無記；十二八入無記，四三種；十八界八無記，十三種。十善道、四禪、四無量心、四無色定、是善法，凡夫能得成就故；又不能出世間故，名世間法。出世間法者，三十七品，三解脫門，三無漏根，三三昧。名出世間法。

明解脫：明者，三明；解脫者，有爲解脫，無爲解脫。念者，十念。慧者，十一智慧；正憶者，隨諸法實相觀，如隨身法觀一切善法之本。是四念處等，一心爲道故。

有漏法者：五象等四禪、四無色定。無漏法者，非世間法；是四念處，乃至十八不共法。

有爲法畧說三相：所謂生、住、滅。三界繫及四念處，乃至十八不共法，雖爲無爲法，以作法故，是爲有爲法。與有爲相違者，是無爲法。滅三毒等諸煩惱，五象等不次第相續；如、法相、法性、法住、實際等，是名無爲法。

色如者，色有二種：一者、凡夫肉眼憶想分別色；二者、聖人心所知色實相如涅槃。凡夫所知色，名爲色。是色入如中，更不生不滅。如有爲雖是五象，而有種種名字，所謂十二入，十八界、因緣等。無爲法雖有三種，亦種種分別名字，所謂如、法相、法性、法住、實際等。

共法者，凡夫、聖人生處，入定處，共故名爲共法。不共法者，四念處，乃至十八不共法。

菩薩分別知此諸法各各相，是法皆從因緣和合生，故無性；無性故自性空。菩薩住是無障礙法中不動，以不二入法門，入一切法不動故。

佛州小草

鄭烘雲

壬戌冬借弟僧一送紐約大覺寺比丘尼
寂光老菩薩生蓮

其一

禮畢又重瞻，卷舒何自恬，須臾真放下，名位未曾著。
按：宋王禹偁詩歲暮感懷：文章氣概成何事，

霑惹虛名誤此身。

其二

百年差十六，少欲長幽獨，念佛一心維，寒灰還槁木。
按：上人謂專修念佛。傳燈錄：無心即是道，

如寒灰死火，枯木石頭。

其三

教人多讀書，才富腹中居，莫箇能強奪，得心好自如。
僧一按：上人僅於初來時一次向信衆開示，

姊弟受用無盡，家姊依其意作之。

感賦

濶領方袍無我份，偏生野鶴入雲心，
塵埃垢妄難調伏，惟解呼娘觀世音。

寫於紐大銀樓觀音閣